

UNIVERZITET U TUZLI  
Ul. Dr. Tihomila Markovića br. 1  
Broj: 01-161-JN-9/24 LOT1  
Tuzla, 07.11.2024. godine

Na osnovu člana 69. stav (2) tačka d) i člana 70. stav (4) i (6) Zakona o javnim nabavkama BiH («Službeni glasnik BiH» broj: 39/14, 59/22 i 50/24) te člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika o pregledu i ocjeni ponuda broj: 01-161-JN-8/24 LOT1, po punomoći Rektorice Univerziteta u Tuzli broj: 01-1424-1/24 od 13.03.2024. godine, direktor za ekonomske poslove donio je

## **ODLUKU**

### **o poništenju postupka javne nabavke**

#### **I**

Poništava se otvoreni postupak javne nabavke svježeg junećeg mesa i preradevina od goveđeg i junećeg mesa (LOT1) za potrebe restorana Studentskog centra Univerziteta u Tuzli sa sukcesivnom isporukom do 31.12.2025. godine zbog činjenice da nijedna od primljenih ponuda nije prihvatljiva.

#### **II**

Ova Odluka se objavljuje na internetskoj stranici Univerziteta u Tuzli ([www.untz.ba](http://www.untz.ba)) istovremeno s upućivanjem odluke ponuđačima koji su učestvovali u postupku javne nabavke.

### **Obrazloženje**

Univerzitet u Tuzli pokrenuo je otvoreni postupak za nabavku svježeg junećeg mesa i preradevina od goveđeg i junećeg mesa (LOT1) za potrebe restorana Studentskog centra Univerziteta u Tuzli sa sukcesivnom isporukom do 31.12.2025. godine, broj: 01-161-JN-2/24 LOT 1-LOT 8 od 12.09.2024. godine, objavljenog na Portalu javnih nabavki obavještenje broj: 795-1-1-118-115/24 od 27.09.2024. godine, a sažetak u „Službenim novinama BiH” broj: 67/24 od 04.10.2024. godine i WEB stranici Univerziteta.

U ostavljenom roku ponudu su dostavila dva ponuđača: „Dolar company“ d.o.o. Kalesija i „EURO MEAT” d.o.o. Maglaj, te je izvršeno javno otvaranje ponuda što je konstatovano Zapisnikom sa otvaranja ponuda broj: 01-161-JN-7/24 LOT1 od 18.10.2024. godine.

Nakon evaluacije primljenih ponuda utvrđeno je da nijedna ponuda ne ispunjava uslove i zahtjeve postavljene tenderskom dokumentacijom, zbog čega se odbacuju.

Ponuda ponuđača „Dolar company“ d.o.o. Kalesija odbačena je iz sljedećih razloga:

- Ponuđač je za stavke pod rednim brojem 3, 4, 6, 7, 8, 9 i 10 Obrasca za cijenu ponude za LOT 1 dostavio deklaracije proizvoda iz kojih se jasno vidi zahtijevan opis ponuđenog proizvoda u skladu sa tačkom 3.5.2. pod f) tenderske dokumentacije (Tehnička i profesionalna sposobnost ponuđača). Međutim, dostavljena deklaracija za stavku 3, 4 i 7 nije usklađena sa zahtijevanim opisom proizvoda iz kolone 2. Obrasca za cijenu ponude.

- Ugovorni organ je za stavku 3. zahtijevao juneće ćevape - smrznuti proizvod (sastav juneće meso I i II kategorije, juneći ili goveđi loj), pak. od min. 400 g u kartonskoj ambalaži i (20 komada ćevapa u pakovanju). Ponuđač je dostavio deklaraciju proizvoda proizvođača Vimes d.o.o. Visoko na kojoj je vidljivo da se radi o junećem mesu, ali nema kategorije mesa, ne sadrži juneći ili goveđi loj, nema podataka o ambalaži odnosno da li se pakuje u kartonskoj kutiji i deklaracijom nije potvrđeno da pakovanje sadrži 20 ćevapa. Iz dostavljene deklaracije Komisija ne može utvrditi da ponudena roba odgovara postavljenim zahtjevima proizvoda u pogledu sastava, pakovanja i dr.

- Ugovorni organ je za stavku 4. zahtijevao juneću pljeskavicu - smrznuti proizvod (sastav juneće meso I i II kategorije, juneći ili goveđi loj), pak. od min. 400 g u kartonskoj ambalaži. Ponuđač je dostavio deklaraciju proizvoda proizvođača Vimes d.o.o. Visoko na kojoj je vidljivo da se radi o pljeskavici koja se satoji od junećeg mesa ali nema kategorije mesa, ne sadrži juneći ili goveđi loj, te nema podataka o ambalaži odnosno da li se pakuje u kartonskoj kutiji. Iz dostavljene deklaracije Komisija ne može utvrditi da ponuđena roba odgovara postavljenim zahtjevima proizvoda u pogledu sastava, pakovanja i dr.

- Ugovorni organ je za stavku 7. zahtijevao goveđi gulaš od min. 200 g, konzerva. Ponuđač je dostavio dvije fotografije konzerve na kojoj se vidi sastav gulaša, ali se na slikama ne vidi da je ispunjen zahtjevani uslov u pogledu gramaže, tj. da je konzerva od min. 200g.

- Ugovorni organ je za stavke 8, 9 i 10 zahtijevao roštiljsku kobasicu, suho meso I klase i sudžuku I klase u vakum pakovanju. Na deklaraciji koju je ponuđač dostavio nema podataka da se radi o vakum pakovanju zbog čega nije ispunio traženi zahtjev ugovornog organa. Komisija je u Zapisniku o ocjeni ponuda konstatovala da ponuđač „Dolar company“ d.o.o. Kalesija nije ispunio uslove propisane u Obrascu za cijenu ponude kako je naprijed navedeno i njegova ponuda nije u skladu sa tenderskom dokumentacijom što je čini nepravilnom. Ponuda ponuđača „EURO MEAT“ d.o.o. Maglaj odbačena je iz sljedećih razloga:

- Ponuđač je bio dužan dostaviti opis robe koja je predmet nabavke u vidu proizvođačke deklaracije za stavke pod rednim brojem 3, 4, 6, 7, 8, 9 i 10 Obrasca za cijenu ponude za LOT 1, a u skladu sa tačkom 3.5.2. pod f) Tenderske dokumentacije. Ponuđač „EURO MEAT“ d.o.o. Maglaj je za stavke 3, 4, 6, 7 i 8 dostavio tražene dokumente, ali je propustio dostaviti proizvođačke deklaracije za stavke 9 i 10, što njegovu ponudu čini nepotpunom.

- Ugovorni organ je za stavku 3. zahtijevao juneće ćevape - smrznuti proizvod (sastav juneće meso I i II kategorije, juneći ili goveđi loj), pak. od min. 400 g u kartonskoj ambalaži i (20 komada ćevapa u pakovanju). Ponuđač je dostavio proizvođačku specifikaciju za juneće ćevape od proizvođača MADI iz koje je vidljivo da se radi o junećem mesu II kategorije i telećem mesu II kategorije, da proizvod ne sadrži juneći ili goveđi loj kako je traženo i da pakovanje sadrži 16 ćevapa, umjesto 20 ćevapa, što nije usklađeno sa Obrascem za cijenu ponude u smislu opisa proizvoda iz kolone 2, zbog čega je njegova ponuda nepravilna jer nije u skladu sa tenderskom dokumentacijom.

- Ugovorni organ je za stavku 4. zahtijevao juneću pljeskavicu - smrznuti proizvod (sastav juneće meso I i II kategorije, juneći ili goveđi loj), pak. od min. 400 g u kartonskoj ambalaži. Ponuđač je ponudio juneću pljeskavicu proizvođača MADI d.o.o. Tešanj te dostavio proizvođačku specifikaciju za juneću pljeskavicu koja se sastoji od junećeg mesa II kategorije i telećeg mesa II kategorije I koja ne sadrži juneći ili goveđi loj, što nije u skladu sa Obrascem za cijenu ponude obzirom da je ugovorni organ zahtijevao da sastav junećeg mesa bude I i II kategorije i da sadrži juneći ili goveđi loj, zbog čega je njegova ponuda nepravilna jer nije u skladu sa tenderskom dokumentacijom.

- Tačkom 4.2.1. pod s) tenderske dokumentacije definisano je da ponuda treba sadržavati Nacrt okvirnog sporazuma propisno popunjen i potpisan od strane ponuđača u skladu sa formom koja je data prilogu tenderske dokumentacije, a ponuda ponuđača „EURO MEAT“ d.o.o. Maglaj ne sadrži Nacrt okvirnog sporazuma, što njegovu ponudu čini nepotpunom. Komisija je utvrdila da ponuda ponuđača „EURO MEAT“ d.o.o. Maglaj nije potpuna, ne sadrži potrebne dokumente i ne ispunjava zahtjeve definisane tenderskom dokumentacijom i Obrascem za cijenu ponude.

Slijedom prethodno navedenog, Komisija je jednoglasno predložila Direktor za ekonomske poslove da donese Odluku o poništenju postupka javne nabavke svježeg junećeg mesa i prerađevina od goveđeg i junećeg mesa (LOT1) za potrebe restorana Studentskog centra Univerziteta u Tuzli sa sukcesivnom isporukom do 31.12.2025. godine, obzirom da nijedna


primljena ponuda nije prihvatljiva, te su stekli uslovi za poništenje postupka u skladu sa članom 69. stav (2) tačka d) ZJN kojim je definisano da je ugovorni organ dužan poništiti postupak javne nabavke u slučaju da nijedna od primljenih ponuda nije prihvatljiva.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta odlučio je kao u dispozitivu ove Odluke.

**Pravna pouka:** Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

**Prilog:**

- Zapisnik o pregledu i ocijeni ponuda broj:  
01-161-JN-8/24 LOT1 od 04.11.2024. godine



DIREKTOR  
ZA EKONOMSKE POSLOVE

Alden Osmanbegović, dipl.oec

**DOSTAVITI:**

1x Svim ponuđačima u postupku

1x WEB portal

1x a/a